



## **Clypevs Theologiæ Thomisticæ**

Continens Tractatus de erroribus Pelagianorum, de Gratia, de  
Iustificatione & Merito, de Virtutibus Theologicis, & quatuor Cardinalibus,  
ac de ineffabili mysterio Incarnationis

**Gonet, Jean-Baptiste**

**Parisiis, 1669**

§. III. Solvuntur aliæ objectiones, contra secundam partem conclusionis  
fieri solitæ,

---

[urn:nbn:de:hbz:466:1-77342](#)

# DISPUTATIO PRIMA

226

se, & ex sua natura natum sit parere, nequit tamen, ratione hujus conjunctionis, tantum in ipsum influere certitudinem, quanta reperitur in assensi fidei: & sic manet argumentum in suo robo, & adhuc restat explicandum, quomodo Philosophus Christianus non habeat minorem certitudinem de existentia Dei, quam ruficus fidelis. Unde ad plenam hujus difficultatis resolutionem,

**165.** Dicendum est primo, quod licet habitus fidei in Philosopho Christiano non possit per se & directe se extendere ad illam propositionem, *Deus est*, nec proinde directe in eam influere certitudinem supernaturalem, indirecte tamen & per accidentem potest illam attingere; quatenus scilicet illa virtualiter & implicite continetur in aliis propositionibus obscurè revelatis, & per se ad fidem pertinentibus; quales sunt istæ: *Deus est Trinus*: *Deus est incarnatus*, in quibus ista, *Deus est*, virtualiter & implicite continetur. Et ita ex certitudine fidei, formaliter terminata ad has propositiones, per accidentem resilire potest in assensum scientificum hujus propositionis, *Deus est*, certudo quedam supernaturalis, & major quam scientia nata sit parere. Ex quo sit quod Philosophus Christianus, acquirendo scientiam de illa propositione, non fiat deterioris conditionis quam antea, nec minorem de illa habeat certitudinem, quam ruficus fidelis.

**166.** Secundò dici potest, quod sicut potest quis eandem conclusionem cognoscere per medium demonstrativum, & per medium probabile, tuncque cognitione per medium probabile, non est actus opinionis, quia non est coniunctus cum formidine, sed est actus secundarius scientie, ut docet Philosophi in Logica: ita similiter Philosophus Christianus hanc propositionem, *Deus est*, vel *Deus est unus*, cognoscere potest, illaque assentire per medium demonstrativum, & propter authoritatem Dei, in sacra Scriptura hoc sepe dicentis; & tunc talis cognitione & assensus, propter Dei authoritatem, non est actus fidei, quia non est cum evidentia, nec Dei authoritas est totalis & praecisa causa assentiendi; sed est actus secundarius scientie, ut recte explicat Capreolus in 3. dist. 25. quæst. unicâ art. 3. ad 3. his verbis: *Fidelis acquirens scientiam de hoc quod Deus est unus, tenet hoc per duplex medium, scilicet authoritatem Dei & per medium demonstrativum: sed ex hoc non sequitur quod assensus causatus ex illis duobus mediis, sit actus scientie & fidei, sed solum scientie, quia non omnis assensus causatus ex autoritate est creditivus, nisi autoritas illa sit totalis & praecisa causa.* Ex quibus patet, quod licet Philosophus Christianus non possit simul habere scientiam & fidem de hac propositione, *Deus est*, vel, *Deus est unus*, potest tamen de illa habere simul certitudinem scientie, & certitudinem fidei; certitudinem quidem scientie, quatenus assentit illi veritati primariò propter medium demonstrativum; certitudinem vero fidei, in quantum secundario illi veritati assentit propter divinam revelationem.

**167.** Dices: Assentire conclusioni propter testimonium supernaturale, non potest etiam secundario convenire scientia naturali: Sed scientia, quia Philosophus Christianus scit evidenter Deum esse, est naturalis, testimonium vero Dei revealantis est supernaturale: Ergo nequit per talem scientiam veritati illi assentire, etiam secundario, propter testimonium Dei ipsam revealantis.

Respondeo distinguendo Majorem: Assentire conclusioni propter testimonium supernaturale,

A nos potest etiam secundario convenire scientia naturali, præcisè secundum se & absolutè sumptæ, concedo Majorem: non potest convenire scientia naturali, ut conjunctæ cum habitu fidei, quo tale testimonium cognoscitur, nego Majorem. Sicut enim virtutes morales, quamvis ex seipso præcise non possint elicere actus meritorios, possunt tamen ut conjunctæ cum charitate: sic licet scientia naturalis, in Philosopho Christiano, ex se præciso incapax sit assentiendi suis conclusionibus, propter divinum testimonium, nihilominus ex unione quam habet cum fide, quam divinum testimonium attingitur, potest secundario talem assensum elicere. Ratio est, quia ut docet D. Thomas quæst. 22. de verit. art. 13. virtus superior conjuncta inferiori, eam perficit, ipsoque communicat modum operandi superiorem, immo aliquando contrarium, ad eum quem habet ex sua natura præcise sumpta: unde videmus quod licet aqua maris ex sua propria natura tendat deorsum, ex influxu tamen lunæ habet motum accessus & recessus: & similiiter licet orbis planetarum ex propria natura habeant solum moveri ab occidente in orientem, virtute tamen primi mobilis, cui conjuguntur, feruntur ab oriente in occidentem. Voluntas etiam, licet ex sua natura solum habeat velle, ex participatione tamen intellectus habet velle modo quodam collativo; unde actus intentionis respicit finem comparativæ ad media, & electio comparat ipsa media inter se, & unum pro alio accipit. Demum ratio participat vim movendi à voluntate, qua est primum movens quoad exercitum: quare actus imperij supponit electionem voluntatis, & ab ipsa efficaciam & vim motivam participat, ut in Traetatu de actibus humanis fusè declaravimus.

### §. III.

*Solvuntur alia objectiones, contra secundam partem conclusionis fieri solite.*

**C**ontra secundam partem conclusionis, in qua diximus habitus fidei & scientie non posse simul existere, obicitur primo. Quia comparantur ad invicem sicut duo lumina, quamvis unum sit majus in ratione luminis quam aliud, possunt tamen esse simul circa idem objectum, ut patet in Sole, & candelâ: Sed fides & scientia comparantur ad invicem sicut duo lumina; quamvis enim fides dicatur obscura, si compararet evidenter scientie, verè tamen est lumen intellectuale; unde D. Petrus eam in sua secunda Epistola vocat lucernam lucentem in caliginoso loco; & Chrysostomus super Matthæum dicit quod fides lampas est, quia sicut lampas illuminat domum, ita fides animam: Ergo potest esse simul cum scientia, tanquam cum altero lumine, circa idem objectum.

Secundò: Quæ opponuntur ad invicem solum contraria, possunt esse simul de potentia Dei absolute: Sed oppositio inter habitum fidei, & habitum scientie, est tantum contraria, quandoquidem est inter duo entia positiva, non vero inter ens positivum & privativum: Ergo habitus fidei, & habitus scientie, possunt, saltem de potentia absolute, simul in eodem intellectu existere.

Tertio: Habitus opinionis & scientie possunt esse simul in eodem intellectu, quamvis unus sit obscurus, & alter evidens, quia opinio & scientia per diversa media procedunt, ut docet D. Thomas in 3. dist. 31. quæst. 2. art. 1. quæst. 1. ad 4. his verbis: *Opinio & scientia, quamvis sint de eodem*

*non iamen secundum idem medium, sed secundum diversa. & idcirco possunt esse simul : Sed etiam fidēs & scientia per diversa media procedunt : Ergo non obstante obscuritate fidei, & evidētiā scientiā, possunt simul in eodem intellectu existere.*

171. *Quarto : Habitū fidei potest stare cum lumine gloriæ : Ergo & cum habitu clara scientiæ. Consequentia patet ex paritate rationis. Antecedens probatur : Paulus in raptu vidit Deum, & tamen in eo manuit habitus fidei, ut dicemus paragrapgo sequenti : Ergo actus fidei potest stare cum clara Dei visione, subindeque cum lumine gloriæ, sine quo clara Dei visio esse nequit.*

172. *Ad primum respondeo, concessa Majori, negando Minorem. Et ad probationem ei subjunctionem dico, quod licet fides sit lumen intellectus, eo ipso tamen quod admixta habeat obscuritatem, non comparatur ad scientiam, sicut lumen parvum candelæ ad magnum lumen Solis, sed sicut lux adumbrata, seu admixta tenebris, ad lumen purum, & omnis obscuritatis expertum.*

173. *Ad secundum nego etiam Minorem : quamvis enim habitus scientiæ & habitus fidei, opponantur inter se contrariæ, habent tamen præterea inter se oppositionem privatam ; quatenus nimirum fides est essentialiter inclinatio ad assensum obscurum, sive invidēt, scientia vero inclinatio ad assensum clarum & evidentem.*

174. *Ad tertium nego Majorem. Ad cuius probationem respondent Carmelites Complutenses in Logica disp. 10. quæst. 4. D. Thomam mutasse sententiam in Summa : Nam hic art. 5. sibi quartoto loco idem argumentum opponit, quod sibi objecerat in tertio libro sententiarum, nimirum : Opinio plus distat à scientia quam fides, cum fides dicatur esse media inter opinionem & scientiam : Sed opinio & scientia possunt esse de eodem : Ergo etiam fides & scientia. Cui respondet, quod de eodem secundum idem non potest esse simul in uno homine scientia, nec cum opinione, nec cum fidei. Idem docet quæst. 14. de verit. art. 9. ad 6. ubi ait : Non videtur esse possibile, quod aliquis de eodem habeat scientiam & opinionem ; quia opinio est cum formidine alterius partis, quam formidinem scientia excludit : & similiter non est possibile quod sit de eodem fides & scientia.*

175. *Existimo tamen non esse necesse ad hanc solutionem recurrere : potest enim responderi cum Joanne à S. Thoma hic disp. 2. art. 1. quod cùm S. Doctor in 3. libro sententiarum docet quod opinio & scientia possunt esse simul, non loquitur de opinione adæquatè sumpta, sed de illa ut inadæquatè sumitur, & prout sub ratione praecisa probabilitatis, quam importat ex parte medij, consideratur. Itaque in opinione sunt tria, nimirum formido, seu incertitudo, obscuritas, seu invidētia, & probabilitas ex parte medij seu rationis cui innititur, quæ licet propter suam imperfectionem non convincat intellectum, ipsum tamen aliqualiter movet, suadet, & inclinat : ratione primi & secundi opinio scientiæ opponitur, & cum ea in eodem intellectu stare nequit ; non vero ratione tertij, quia medium probabile & demonstrativum non repugnat ex parte subjecti. Unde paragrapgo præcedenti dicebamus, quod potest quis eandem conclusionem per medium demonstrativum, & per medium probabile attingere, eique primari & principaliter, propter medium necessarium assentire, & minus principaliter ac secundari, propter aliqujus personæ*

*Tom. IV.*

A *dicens authoritatem : Quia ille qui cognoscit causam, ex hoc magis potest cognoscere signa probabilitatis, ex quibus procedit dialeticus syllogismus, ut inquit S. Doctor 3. parte quæst. 9. art. 3. ad 2.*

B *Ad quartum nego Antecedens. Ad ejus probationem dico lumen gloriæ collatum D. Paulo in raptu, non fuisse in eo per modum habitus, sed solum per modum passionis transeuntis, sicut lumen quod infunditur Prophetis, dum futura ipsis revealantur, ut docet Divus Thomas in fr. quæst. 175. art. 3. ad 2. his verbis : Divina essentia videri ab intellectu creato non potest, nisi per lumen gloria, de qua dicitur Psal. 35. In lumine tuo videbimus lumen. Quod tamen duplicitate participari potest : uno modo per modum forma immaterialis, & sic beatos facit sanctos in patria : alio modo per modum cujusdam passionis transeuntis, sicut dictum est de lumine prophetie ; & hoc modo lumen illud fuit in Paulo, quando raptus fuit.*

§. IV.

*Alia difficultas resolvitur, & tertia sententia ut probabilior eligitur.*

D *Ico secundo : Habitū fidei stare potest cum actu scientiæ evidentiæ, seu clara Dei visione, per modum transeuntis communicata.*

C *Probatur primo ex D. Thoma in fr. quæst. 175. art. 3. ad 3. ubi cùm sibi objecisset, D. Paulum in suo raptu habuisse fidem, & consequenter non vidisse essentiam divinam, responderet : Ad tertium dicendum, quod quia Paulus in raptu non fuit beatus habitualiter, sed solum habuit actum beatorum, conseq̄ens est, ut simul tunc in eo non fuerit actus fidei, fuit tamen simul fidei in eo habitus : Ergo ex sententia D. Thomæ habitus fidei potest esse cum actu visionis.*

D *Respondebat Capreolus, D. Thomam docere quidem, quod Paulus in raptu haberet fidei habitus, sed non circa easdem veritates, quas vidit in essentia divina : licet enim (inquit) in illo raptu viderit essentiam divinam, in ea tamen non vidit omnes articulos fidei, nec omnia divina mysteria, præsentim ea quæ Deo liberè competunt, & quæ mysteria gratiæ appellantur ; & ita manuit in eo habitus fidei respectu articulorum, seu mysteriorum quæ non vidit, non vero respectu eorum quæ vidit, nisi in præparatione animi. Eandem interpretationem tradit Cajetanus in commentario illius loci, eique favere videtur S. Doctor quæst. 13. de verit. art. 5. ad 5. & 6. ubi docere videtur, quod Paulus in raptu non vidit in essentia divina omnia mysteria, sed tantum aliqua.*

E *Sed contra primò, si hoc tantum voluisset Sanctus Thomas, malè distinxisset inter habitum & actum fidei, nec dixisset quod licet in D. Paulo non fuerit tunc actus fidei, benè tamen ejus habitus : malè, inquam, distinxisset inter habitum & actum fidei, cùm constet simul posse esse habitum fidei, & habitum scientiæ claræ & evidentiæ, circa diversa objecta, ut patet in Philosopho Christiano, qui claram & evidentem scientiam habet de unitate Dei, & fidem de Trinitate Personarum divinarum.*

F *Secundò : Ideo Paulus, secundum D. Thomam, elevatus est ad visionem Dei, quia futurus erat Gentium magister, & doctor mysteriorum gratiæ, ut haberet plenius magisterium circa ea quæ docturus & prædicatur erat : Ergo in essentia*

*Ff ij*